



## **Universitätsbibliothek Paderborn**

### **Capitularia Regvm Francorvm**

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

V. Apud Tolosam civitatem.

**urn:nbn:de:hbz:466:1-22974**

21 ANNO CHRISTI Regum Francorum. KAROLI CALVI 22  
844. REGIS 4.

III.

Quod res ad Ecclesiam mihi commissam pertinentes & tempore principatus vestri ablatas ita praefataliter restitutatis & restitutas conservetis sicut tempore avi & patris vestri fuerunt, & excepto superpotito, quod in usus possidentium vel ex ædificiis absumptum est, quomodo tunc erant, quantum ad hoc quod res usitato nomine appellamus constat, quando vos inde illas tulistis.

IV.

Vt præcepta licita de rebus Ecclesiæ mihi commissa à vobis facta rescindantur, & ut de cetero ne fiant caveatis.

V.

Vt ab Ecclesia mihi commissa indebitas consuetudines & injustas exactationes de cetero non exactentis, sed sic eas conserveatis sicut tempore avi & patris vestri conservatae fuerunt.

V I.

Vt contra depredateores & oppresores Ecclesiarum nostrarum & rerum ad easdem pertinentium defensionem secundum ministerium vestrum, quantum posse vobis Deus dederit, exhibeatis.

V II.

Vt præcepta quæ avus & pater vester Ecclesiæ nobis commisis fecerunt & firmaverunt & stabilita conservaverunt, quæ etiam vos confirmastis, de cetero rata conservetis.

VIII.

Vt si vos contra hæc capitula, aut nos, quod absit, non malitia, nec perverso studio, sed aut per humanam fragilitatem, aut per ignorantiam, vel per lubeptionem, non damnabiliter egerimus, mutuo hoc consilio corrigamus. & firmata deinceps convenientia maneat.

T I T V L V S V.

Apud Tolosam civitatem.

SEQVENTIA CAPITVL A ACTA SVNT APVD

Tolosam civitatem anno quarto regni Domini Karoli, Indictione sexta, mensē Iunio, antequam illa que præcedunt facta fuerint secus Teudonis villam & in Verno palatio & in Belvaco civitate. sed ideo antè illa posita sunt quia & dignitate generalitatis & synodali præminent auctoritate.

**H**æc quæ sequuntur capitula, consulentes necessitatibus Episcoporum Septimaniarum, & subjectorum eis Presbyterorum providentes possibilitati, tractantes etiam sacri & justè inreprehensibilis ministerij honestatem, Presbyterorum reclamatione commoniti, moderamine mansuetudinis nostræ usque ad diligentiorem tractatum synodi generalis decernimus.

C A P . I.

**V**t Episcopi nullam inquietudinem sive exprobationem Presbyteris aut aperte ingerendo, aut alia qualibet occasione machinando, pro eo quod se ad nos hac vice reclamare venerunt, inferant: quia longa oppresso hujusmodi itineris eos fecit subire laborem.

I I.

Vt unum modium frumenti, & unum modium hordei, atque unum modium vi- ni, cum mensura quæ publica & probata Tom. II.

ac generalis seu legitima per civitatem & pagum atque vicinitatem habetur, Episcopi à Presbyteris accipiant, & frischingam sex valentem denarios, aut sex pro ea denarios, & non amplius exigant. Et si hæc non accipiunt, accipiānt, si volunt, pro his omnibus duos solidos in denariis, sicut in Toletano & Bracarense consensu Episcopi considerasse dicuntur.

I I I.

Vt Presbyteri qui prope civitatem quinque miliaria comitantur, per famulos suos

B ij

Brac. 11. 2.  
Tolet. VII.

prædictam dispensam reddi in civitate cui iusserit civitatis Episcopus faciant. Qui autem longius ab urbe commanent, statuant Episcopi loca convenientia per decanias, sicut constituti sunt Archipresbyteri, quo similiter & eadem propinquitate ceteri Presbyteri per famulos suos debitam dispensam Archipresbyteris aut Episcoporum ministri convenant. Et procurent Episcopi ne ministri illorum Presbyteros dehonorent, aut pignora in honeste tollendo, vel locationem pro receptione dispensa exigendo; sed cum gratiarum actione recipiant que Presbyteri cum hilari tatis humanitate, juxta Apostolum, conferre debebunt. Quod si ministri Episcoporum Presbyteros dehonoreraverint, dignam illis exinde Episcopi castigationem exhibeant: quoniam nisi fecerint, & ad nos iterum pro hoc se Presbyteri reclamaverint, motus nostros qui culpabiliter repertus fuerit sentiet.

IV.

Vt in circuitione parochia Episcopi de cetero singulos Presbyteros per singulas jacendo euntes Ecclesiolas, sicut haecenus, non prudenter; cum scriptum sit eosdem evangelizare debere, non turpis lucri gratia, ne vituperetur ministerium sanctum. Sed considerent & denuntient loca sibi & populo convenientia, & illuc Presbyteri, quotquot possibiliter & moderatione providerit, plebes suas adducant, & ibidem Episcopi prædicent, confirment, & populi errata inquirant ac corrigant. Iterum autem, quia dominica voce datur licentia qui Evangelium adiungant ut de Evangelio vivant, licet Paulus Apostolus nihil horum fuerit usus, Presbyteri tale conjectum faciant ut & Episcopi solarium habeant & ipsi non graventur. Quod ita nobis fieri posse videtur, videlicet ut quatuor Presbyteri ad locum ubi quintus degit & Episcopus residet, plebes suas de quatuor partibus adducere studeant, & unusquisque eorum decem panes & dimidium modium vini & frischingam de quatuor denariis & pullos duos & ova decem & modium unum de amona ad caballos in subsidium benedictionis gratia præferset Episcopo. & similiter quintus, in cuius domo Episcopus residet, faciat, nec amplius ab eo exigatur, nisi forte ligna & utensilia in opus ministerij commodet. Quapropter Episcopus providebit ne dominus aut sepes illius a ministris vastentur.

V.

Vt semel in anno Episcopi hanc cir-

cumitionem tempore congruo faciant. Et si amplius ministerium suum per diocesim agere voluerint, hanc tamen dispensam non amplius quam semel à Presbyteris per annum accipient.

VI.

Quod & si circumitionem in salutem & necessitatem populi quacunque de causa dimiserint, à Presbyteris nec hanc dispensam neque pretium illius exigant, neque aliis aut suis domesticis aut amicis exigendam concedant. Et quando circumierint, & in domo Presbyteri resederint, non sub occasione adfligendi Presbyteros immoderatè & non necessariè numerum famulorum adducant, neque vicinos ad pastrum incongrue convocent. Quod & si cum caritate vocare voluerint, faciant: sed non amplius à Presbyteris, vel sub occasione vendendi, vel alio quolibet modo, quam statutum est exigant, neque paraveredos aut alias exactiones tollant.

VII.

Vt Episcopi parrochias Presbyterorum propter in honestum & periculosem lucrum non dividant. Sed si necessitas populi exigerit ut plures fiant Ecclesia aut statuant altaria, cum ratione & auctoritate hoc faciant; scilicet usi si longitudo, aut periculum aqua, vel silva, aut aliquis certa rationis vel necessitatis causa poscerit, ut populus & sexus infirmior, mulierum videficer vel infantum, aut etiam debilium imbecillitas, ad Ecclesiam principalem non possit occurrere, & non est sic longè villa ut Presbyter illic sine periculo ad tempus & congrue non possit venire, statuant altare: & sita populo complacet, & commodum fuerit, ne sine ratione scandalizetur, parrochia maneat indivisa. Sin autem præfata cause postulaverint, & populus non conductus, neque cupiditer vel invidia excitatus, sed rationabiliter adclamaverit ut Ecclesia illis fieri & Presbyter debeat ordinari, hoc Episcopi episcopaliter, teste Deo, in conscientia puritate, cum ratione & auctoritate, sine intentione turpis lucri, maturè consilio canonico tractent, & utilitati ac saluti subiecta plebis quæque agenda sunt peragant, & secundum quod subtraxerint cuiuslibet Presbytero de parrochia, de dispensa quoque debita ab illo minus accipient, & alteri, qui quod dividitur à parrochia suscipit, sub hac eadem mensura imponant.

VIII.

Vt Episcopi sub occasione quasi auctoritatem habent canonum, his constitutis excellentiae nostrae nequaquam resurgent aut neglegant; sed potius canones ut intellegendi sunt intelligere & in cunctis observare procurent: quia si aliter fecerint, omnimodis & qualiter canones fidelium decimus agendum statuant, & qualiter intelligi ac observari cum mansuetudinis nostra decreto debeant, synodali dijudica-

tione & nostra auctoritate regia docebuntur.

IX.

Vt Episcopi synodos à Presbyteris, nisi sicut docet auctoritas canonum, duos scilicet, & per tempora confituta, non exigant. Sed & in eisdem synodis non per occasionem, sed per veritatem ministerij sui, teste Deo, ad quod constituti sunt, Presbyteros & tractent & teneant & absolvant.

TITVLVS VI.

PRÆCEPTVM CONFIRMATIONIS PRO HISPANIS  
qui in regno Karoli Calvi morabantur, datum in eodem loco in quo & superiora  
capitula conscripta sunt, id est, apud Tolosam in monasterio sancti Saturnini,  
anno Christi DCCCXLIV. regni autem ejusdem Karoli Regis quarto.

**I**N nomine sanctæ & individuæ Trinitatis. Karolus gratia Dei Rex.  
Si enim ea quæ ob utilitatem sanctæ Dei Ecclesiæ imperialibus editis sunt constituta, magnificentia nostræ confirmatione denuo insti-  
tuentes corroboramus, ad diuturnam prosperamque regni à Deo nobis collati stabilitatem id ipsum adtinere non dubitamus, quin etiam ad capessendam æternæ felicitatis beatitudinem profuturum nobis liquidò credimus. Itaque notum sit omnium sanctæ Dei Ecclesiæ fidelium atque nostrorum, præsentium scilicet & futurorum, partibus Aquitaniæ, Septimaniæ, five Hispaniæ consistentium magnitudini quia progenitorum nostrorum, magnorum siquidem orthodoxorumque Imperatorum, avi videlicet nostri Karoli, seu genitoris nostri Augusti Hludovici, auctoritatem imitantes, Gothos five Hispanos intra Barchinonam famosi no-  
minis civitatem vel Terracium castellum cohabitantes, simul cum his omnibus qui infra eundem comitarum Barchinonæ Hispani extra ci-  
tatem quoque consistunt, quorum progenitores crudelissimum jugum inimicissima Christiani nominis gentis Sarracenorum evitantes, ad eos fecere configuum, & eandem civitatem illorum magnipotentia liben-  
ter condonarunt seu tradiderunt, & ab eorundem Sarracenorum pote-  
state se subtrahentes, eorum nostræque demum libera & prompta vo-  
luntate se subjecerunt, complacuit mansuetudini nostræ sub immunita-  
tis tuitione defensionisque munimine benignè suscipere ac retinere, &  
cohabitationem seu necessitatibus eorum opportunum auxilium, sicut  
& ab illis progenitoribus eorum & ipsis constat per imperialium apicum sanctionem concessum, clementer conferre: quatenus & nostra regalis conservatio constructa, atque innovatio in eorum bene gestis operibus exaltationi Ecclesiæ pretioso Christi sanguine redemptæ & ministret augmentum, & animabus eorum ac nostræ proficiat semper in emolu-  
mentum.

B iij